



## YMA day nuam leh hlim takin kan hmang

**Chanmari West, June 17:** YMA day chu khawchhe tak hnuiah section hrang hrangten nuam leh hlim takin an hmang a, zawngchhang tlak an ti hle. YMA day hi branch committee chuan section hrang hranga hman a rel a, section hrang hrangte hian an section chhungah faina hnatiang an nei theuh a, hnatiang hawkchhuak pawh an tha hle, intinah YMA flag zar theuh a ni bawk.

Chawngbawla section chuan park-ah hman tumin ruahmannan an siam a, khawchhiat avangin zawlukah an insawn a, chawimawi tlakte chawimawiin, zaithiam leh Apple band ruaiin zai leh lamin hun nuam tak an hmang a, member 300 zet an kal a ni

Neuva section chuan sihhmuia seasonz picnic spot-ah an hmang a, member 90 chuang zet an tel a, intihhlimna chi hrang hrang leh zirlai leh YMA inkhel thiamte an chawimawi a, zing karah thing an phun bawk a ni.

Vanapa section chuan Pu Ngulliana in chungah an hmang ve thung a, zirlai ti thate, infiamna lama kan veng leh Mizoram tihmingthatute leh

CWB YMA player-te an chawimawi a, an section chhung zaithiamten zaiin an awi a, hruaituten thuchah an sawi a, tliaih ruai an thehho nghal a, mi 150 vel zet an tel a ni. An section chhung damlo mi 12 an kan bawk.

Taitesena section chuan Indoor stadium-ah leader kaihhruaina hnuiah intihhlimna chi hrang hrang hmangin hun an hmang a, chawimawi tlak leh branch aiawh inkhel thiamte an chawimawi a ni.

Khuangchera section chuan Govt. middle school-ah an hmang a, branch psident leh local council chairman ten an hmanpui a, infiamna chi hrang hrang hmangin an inti hlim a, sawhchiar tui tak an pirho a, member an kal tha hle.

### Thisen pe tam chawimawina kan dawng

Ni 14.6.2012 khan Association for Voluntary Blood Donation chuan pawl hminga thisen pe tamte chawimawina hun an hmang a, he hunah hian branch vice president Pu R. Lalhmachhuana

chuan YMA category a thisen pa tam pathumna kan nih chawimawina a dawng. Tarlan tawh angin kuminah hian Synod hospital tan thisen unit 114 kan lo pe tawh a ni.

### Branch News

Central road in Sairang road a pawhna thlakna chhuk lutuk siamthat hna YMA ten karleh atang khian thawh tan tum a ni.

Ni 15.6.2012 YMA day chu kan branch YMA te chuan Section tinah programme hlimawm tak leh intuitharna nen hlim taka hman a ni.

Ni 14.6.2012 khan Association for Voluntary Blood Donation ten Vanapa Hall a, World Blood Donor Day an hmanah kan Branch YMA te chuan YMA category-ah thisen pe tam pahnihna kan ni a, lawmman kan lak theihna atana tlawmngaia thisen petute chungah lawnthu sawi a ni.

Pu C. Ngurchhawna 'CH' te chhungkua chuan YMA day pualin Zawlbuk sakna atan Rs1000/- min pe a, an chungah lawnthu sawi a ni.

Ni 13.6.2012 zingkar khan Branch O.B ten YMA thilah Bialtu MLA hmuh a ni.

Nimin khan Zawlbuk-ah Plyboard hmangin kuang duan hnatlan a ni.

Pu Ramtharnghaka chanmari chuan football tournament atan khan Rs 500/- min pe a, lawmthu an sawi.

**TUN KAR CHANGVAWN**  
"Lalpa tih hi thil tha lo hawisanna a ni". Thufingte 16:6

Chanmari West in tinah YMA flag zar a ni

- thla latu Lalnunthara Sailo



Published and Edited by Chanmari West Branch YMA. 1050 Copies

**Editorial Board**

<b>Editor:</b>	J.Lalnangliana	9862399658
<b>Joint Editor :</b>	Lalchhandama	9862358347
<b>News Editor :</b>	Thangkhuma	9862303135
	R. Lalrinngheta	9862358337
	Jacob Lalrinsanga	9612319779
<b>Cir.Manager :</b>	Johny Lalthanpuia	9612359161
	EVL. Hruaitluanga	9862655426
<b>Production Manager :</b>	R.Lalhmachhuana	9436151817

**Branch Office Bearer**

<b>President</b>	T. Ngurkhuma	9436190843
<b>Vice President</b>	R. Lalhmachhuana	9436151817
<b>Secretary</b>	RL. Thanhnuna	9436152760
<b>Asst. Secretary</b>	Zairemmawia	9862385654
<b>Treasurer</b>	C. Lalzarliana	9436142049
<b>Fin.Secretary</b>	K. Darthantluanga	9436196071
<b>Adviser-te :</b>	Pu Lalbiakthanga Khiangte	
	Pu Rothuama, Pi Zamanthangi	
	Pu Lalrengpuia Sailo	

**Editorial :**

YMA day kan lo thleng a, kan branch huam-chhunga section hrang hrang chuan hun hlimawm leh nuam, thil tha tiin kan hmang a, a lawmawm hle mai. Day kan lawm hian mi tam zawk huapzo leh naupang leh upa deuh tana hun kan duan thiam angai hle mai. He hunah hian member kan kal tha thawhat tlangpui a, a lawmawm hle a, branch programme a nih chang kal tum lem lo pawh ka kal tha viau mai, member kan innawn a ngai a ni. Chutih laiin branch hruaitute pawh hian kan hun duan dan hi tunlai mil deuh a kan her rem thiam a ngai tih a lang bawk.

YMA day-ah hian khua a chhe tlang pui a, hei vang hian hemi mil a, hun duan thiam a ngai a, ruah hnuasia hun kan hmang dawn a nih chuan ruah dotura inpeih a nih loh vek chuan, ruah hliap tha kan ngai a, section tinin hun kan hman theihna tur hmun tha kan mamawh tawh hle bawk a ni.

He ni lo thleng hi uar taka hman mai piah lamah naupang tana zirtirna huna kan hman thiam a tha hle. YMA chhangte hi nakin lawka kan hruaitu turtre an ni a, uluk taka kan lo chher lawk hi a ngai a ni.

Tun tum chu section report kan dawng tha a, kan day hmang hlimthla tihsan hram kan duh si a, kan kal phung kan thlak hret a ni.

**2012 Thuvawn**

*I awmdan tur chu LALPA chungah nghan la; Amah chu ring la, aman a ti vek ang.*

**Article :****YMA hi awm ta lo se!**

-J. Nanga

Kum 77 val a lo ni ta a, mihring danah chuan a uaithla lam ni ve tawh awm tak a ni. Mahse, chutiang a ni ngawt hran lo, a neitu leh enkawltu mizo thalaite an nih tlat avangin hniam lam pan a hnekin arh lam a pan zel zawk a ni. Kan hnam hi YMA in a chawm leh chen chilh tlat a nih avangin hma pawh a sawn zel ang a, sakhuang a la tlat maite avang pawh hian a la lian tual tual ang tih a beiseiawm. YMA thlarauvin a chen chilh vek vek tawh te hi chu an tlawmngai rum rut a, an neih, an tha leh an nun thleng hian mi dangte tan hian an pe phal reng a ni. Tlawmngai hmingthang Taitesena pawh khan he YMA thlarau hi a lo chang lawk a ni hial a ni ta ve ang! He kum reilote chhunga thu mawi tak lo chhuak chu "YMA takin aw" tih a ni. He thu tawite hian YMA chu a tlawmngai a, mi dang tan a inpe a, nun mawi taka a nung thin tur a ni tihna a ni.

Hetiang taka pawl pawimawh leh a thlarauvin a chen chilh tlat a nih avang hian he pawl ropui tak hi awm ta lo se, buai fe fe chu kan tam khawp ang. HPC(D) te hian he pawl hi Aizawlah hian rawn thiat ve ta ang se, sakhuang pakhat ang a lo hmang Pu Ngurkhuma te, Pu R. Lalhmachhuana te hi chu an buaiin awmdan pawh an thiam lo ngawt ang. Holiday chu YMA hnatiel nana hman tum tlat mai Pu C. Lalmuankimate hian holiday a lo thlen leh hun chuan a buai ru khawp ang. Kan YMA ruhkawl dangte pawh hian an nunphung an hloh vek ang a, a thlakna tur mizo thalai pawl dang din tho kan ngai hial awm e a.

Kan YMA in a ken tel tlat chu YMA AW hi a ni, YMA a awm loh chuan a ding ngawt thei bik dawn si lova, Pathara Sailo chuan hnapui bera a lo neih thin a nih avangin a ui ngawih ngawih a nga, chu aia pawiti leh buai, awmdan pawh hloh phah vek thei tur chu Big Boss Masangtea hi a ni. Boss hian zirtawp zing dar 5 velah YMA AW editorial board leh section secretary-te YMA AW chhut zan a ni thu a hriattirna SMS a thawn thin pawh a ngai tawh dawn lova, news khawn kuala kal kual ruk ruk a ngai tawh dawn si lo va, a khawhar ve khawp ang le.

Literature committee thu-khawm Pu Lianzuala'n a hruai tawh chuan uluk taka ngaithlak ngai thin te, Pu Chhuanawma (hmanlai YMA AW-ah chuan 'nawreh dah tel' tih alang thin) thusawi dik hmel bik riaute, Pu Chawia hovin radio-ah hun an hmang ang a, Pu Zorampelite doordarshan-

ah hun hmang tura ruat bik tlat te (an hmel vang a nih hmel), thu tak pawh ni hlek lo va Pu Hruaia VL (YMA AW-ah chuan 'VL' tih hi ho tihna a ni kher lo tih a chuang thin) in a sir atanga a lo khai khawm ve ngawt mai te, mu chunga committee meeting kaihruai han awm tawh lo tur te kha, hei vang hi a ni ngei ang Pu Ramus'n literature committee tawp mai tur ui a, tlai ni tla tur a'n thlir liam vawng vawng kha chu a tap lo chauh a ni e. Hei vang hian YMA pumpui thiah ni ta se kan buai dawn lutuk ngaihtuah ngam pawh a ni lo.

Masi a lo thleng ang a, YMA a awm si loh chuan zan duty-a awm dawn si lova Pu Thuamluai te, Pu Darthantluangate tihtur hre lo hian eng nge an tih tak ang aw.

YMA thlarauvin a zem hneh tawh laklawhte hi chu an YMA em em mai a, an tel lovin YMA hi a kal thei lo va, YMA tel lo pawh hian an nung thei bik bawk hek lo. Chuvang chuan keini chuan eng tik lai mah hian thiah kan phal ve ngai lo vang.

**LUSUN KHAWHAR**

Ni 13.6.2012 (Nilai) khan Pu K. Sangkhuma Kum 80 H/o Lalthangi 'CH' Section chu a boral a, lusun chhungte branch YMA chuan kan tawrhpui tak zet a ni.

**RUANG CHHUAK**

Pi Lalthanzaui Kum 78 Pu K. Lalbiaktluanga nu (Tv Zairemmawia, Branch asst.secretary pi) chu Ni 12.6.2012 zing khan Civil Hospital-ah a boral a, kuang siamsak a nih hnuah Sawleng khua-ah kalpui a ni.

## TAITESENA



❖ Ni 15.6.2012 (Zirtawp) zingkar khan YMA day denchhenin section chhungah faina hnatlang a ni a, member 80 vel an thawkchhuak a, hnatlang thawkchhuakte, thingpui tui tak lumsaktu Pu Lalzirliana leh Pu Lalthankimate chhungkua leh theitui siamsaktu Pi Lalringliani chungah lawmthu an sawi.

❖ Hnatlanna a bawlhhlawh tlwmngaia paihsaktu Pu Lalremmawia leh YMA day denchhena section-in flag a siam tlwmngaia lo leisaktu chhungtinte hnenah lawmthu an sawi.

❖ 77<sup>th</sup> YMA day chu Indoor stadium -ah hlim taka hman niin member 85 bawr vel zet maiin he ni hi an hmanga, chhun lamah sawhchiar leh theitui eia in in infiamna hrang hrang nen YMA day hi hman a ni.

❖ YMA day hmanna a ei leh in tlwmngaia buatsaihsaktu fatute chungah lawmthu an sawi takzet.

❖ YMA day hman nana hmunhma phal taka hmantirtu Indoor stadium management committee chungah lawmthu an sawi bawk.

❖ YMA day pualin section chhunga damlo mi pathum hnenah kanna sum an hlan.

❖ Chhungtinte mahni in leh a vel vawngfai chhunzawm theuh tur leh kawngpui dunga awmte a bikin tan la zual sauh sauh turin an inchah a, hetih rual hian bawlhhlawh a paihna hmun tur dik taka pah theuh thin turin an inchah nawn leh bawk.



## VANAPA

❖ Ni 12.6.2012 (Thawle) zan khan section chhungah YMA flag zuarin an hnatlang. YMA flag 260 vel an hralh na atangin Rs 6850 an hmuchhuak. Flag leitute chungah lawmthu an sawi.

❖ Tlawmngaia YMA flag thusaktu Pi Athuami w/o Pu T. Sangkhuma, Pi Dawngtei w/o Pu H. Lalrammawia Pi Ruati w/o Pu R. Lalrammawia te chungah an lawm hle.

❖ YMA day lawmnana in chung phal taka hmantirtu Pu Ngulliana, Lap top leh Electric hmantirtu Pu H. Lalfakawma, Silpaulin petu Pu Rothuama, buhfai bag 1 thawhtu Pu Thlangdikan chungah leh Sound system (Cambo)hmantirtu branch YMA chungah lawmthu an sawi.

❖ YMA day lawmnaa zaithiam Ni Ramtei, Ni Bzi, Tv Mafela, Tv Nghaka leh Tv Muanpua te chungah an lawm.

❖ YMA day pualin section chhunga damlo mi 12 hnenah damlo kan nan Rs 6000 lai an sem.

❖ Ni 9.6.2012 (Inrinni) a section chhung kawngpui siam that hnatlanga bungrua leh sum leh paia tanpuitute chungah lawmthu an sawi.

1. Pu Roluahpua - balu
  2. Pu Mawizuala - balu
  3. Tv Zothankima - balu
  4. Pu T.Lalremruata- cement
  5. Pu H. Lalrammawia-pawisa
  6. Pu Lalremmawia - pawisa
- ❖ Pi Lalramngaii (Ngaitei) w/o R. Vanlalneia leh Ruthi d/o Pu H. Vanlalvena te damlo chu an dam thuai an duhsak.
- ❖ NI RK Lalthlengliani d/o Pu R. Kawlkunga chuan B.Ed tha takin a pass a, an lawmpui hle.



## KHUANGCHERA

❖ YMA day zingkara faina hnatlanga thawkchhuak member leh YMA chhangte chungah lawmthu an sawi. Chhungtinte faina lama hma la chhunzawm turin an inchah.

❖ YMA day hmanpuitu Pu F. Zosanga, Chairman Local Council leh Pu T. Ngurk huma, president CWBYMA te chungah an lawm hle.

❖ YMA day-a tar tur YMA flag lo leisaktu zawng zawngte chungah lawmthu an sawi.

❖ YMA day hman nana School hmantirtu middle school chungah an lawm hle.

headmaster leh staff-te chungah lawmthu an sawi.

❖ Section chhunga damdawi ruih chingte chu YMA duty ten dim an tum lo tih an hriattir.

❖ Section-in thela (nawrlirh) thar siam an tum chu a ke leh a za alo thleng tawh a, remchang hmasa berah a body siam tum a ni a, hman theih thuai an inbeisei.

❖ YMA flag thuinana phal taka puanhui khawl thawkchhuah-puitu Ni Zoramthari leh Ni Zosangzuali (Zitei) te chungah an lawm hle.

❖ Hnatlangte hnimsam, motor-a paihsaktu Pu Terema (T-sect) chungah an lawm hle.

## Thlanmual Sub-Committee

Water filter, thlanlaihna atan a hman tur Litre 12 dawng tha tak mai lei than a ni a. Chhinchhiahna, tha tak a siam sak tu Pu C. Zonunsanga T-sect chungah committee chuan lawmthu a sawi a ni.

Ni 13.6.2012 zing kar khan thlanmualah hlo kapin an hnatleng.

Tlangval tlawnmgai thlanlai tur te zing dar 6 a thlanlaih tan hman tum ila, thlanlai kan tlem thin deuh avangin tlangvalte tan ila than ang u.

### MUP

Ni 13.6.2012 (Nilai) khan Synod Hospital-a mit lam doctorte chuan a thlawnin mit lama harsatna nei tan mit entirna hun an rawn hawng a, he hunah hian mi 36 lainin, a thlawnin mit an entir a, Synod hospital doctorte chungah hian lawmthu an sawi a ni.

### LAWMTHU SAWINA

Ka nu Lalthanzuali Kum-78, Sawleng in Ni 12.6.2012 a min boralsan chungchangah YMA in Kuang min siam sak leh puan a min tuam avang te, MHIP ten Pangpar mawi takin min thlah a, thenawm khawveng min lainattu zawng zawngte chungah lawmthu kan sawi tak meuh meuh a ni. Pathianin a let tam taka malsawm turin duhsakna kan hlan a che u.

K Lalbiaktluanga te chhung

Neuva section

### HRIATTIRNA

Hmeichhe tleirawl school kal tawh lo kum 16-18 inkarte tan scheme than SABLA hnuaih vocational trade hrang hrang training theih a ni,

1. Beuty culture, 2. Computer,
3. Beside assistant, 4. Pa khawi,
5. Medical & Nursing, 6. Hospitality,
7. Puan thui, 8. Hand embroidery
9. Book binding, 10. Spoken English & Communication. Heng hunah hian kal khawm tur a ni. Ni 29.6.2012 Dar 10-12-ah Aizawl East, West 7 South. Ni 29.6.2012 Dar 1-3-ah Aizawl North, Central-I & II, A hmun Teacher's Inn, Zarkawt MC Donald Hill.

### PEM LUT

1. Pu V.Malsawmthanga te chhungku chu Khawzawl Dinthar atangin Pu Ronald Lalkhuma 'V' te In ah.

### KEIMAHNI

YMA AW chu editor inah chhut a ni a, Pu Valtea'n min ho thei a ni.

YMA AW a thuзиak taima tak Pu K. Sangkhuma 'CH' chuan chatuan ram min pan san a, a kal san tak a chhungte kan tawrhpu hle.

## CHAWNGBAWLA

YMA Day chu khawchhe hnuaih member 300 vel zetin Zawlbukah hlim takin an hmang a, an member chawimawi awm chu parti awrhtir a chawimawi an ni a, YMAAW semtu leh mitthi buhfai khawntu pawh he hunah hian lawmpuina pek an ni. Vengchhung leh pawn atangin band thiam tak tak, Apple, Stacy Penitence leh DO5 ten mipui an awi a. Mizo inchei a incheiin, inchei mawi berah Ni C. Lalchhandami leh Lalmalsawmate chu thlan an ni. Lawmmanah Pen drive 4gb pek an ni a, hei hi crown computer-te thawh a ni. Sawhchiar pirho a ni a, ban dawnah chhawngnawtin hun hlimawm tak an hmang. Pu C Ngurchhawna leh Pu R Rokimate chhung in Rs 500/- ve ve an pe a, mimal hmanrua hmanirtute leh lirthei hmanirtu Pu Lalrichhana (Mapuia) te chungah lawmthu an sawi bawk.

YMA day denchhenin zingkarah faina hnatleng a ni a, membete an kal tha hle, Pu Lalbiakthanga Khiangte-in a motorin bawlhhawh a paihsak a, a chungah an lawm hle.


Section project chu kalpui tan a ni a, Ni 21.6.2012 (Zirtawp) hian high

school field-ah football khel tum a ni a, Mipa, hmeichhia leh YMA chhang ten football hi an khel dawn a, intihsiakna atan hian membete chu group 4 (li) ah then an ni, group khatah hian hravuitute an awm a, a dang pathumah hian membete chu an bial thumah then an ni. Section bial 1,2 leh 4 chu yellow house an ni a, bial 3,7 leh 8 chu blue house an ni a, bial 5,6 leh 9 chu green house an ni a, tichuan hravuitute chu red house an ni. Section project-ah hian an New horizon leh springdale school te chu an tel ve dawn a, house hrang paliah thenin group tinah hian an awm theuh dawn a ni. Member ten he sports hi ngai pawimawh a, kal theuh turin an innen. Tiffin leh tui pai theuh bawk tur a ni.

Pu A Biaklawma'n silpaulin tha tak pahnih a pe a, Pu Rothuama pawhin silpaulin pakhat a pe bawk a, an chungah section chuan lawmhu a sawi.

An section Pa, Pu K Sangkhuma chuan Ni 13.6.2012 khan astma natna vangin a boral a, an uiin a kalsan tak a chhungte an tuarpui hle.

NL VL Malsawmi Colney chu section committee member atan ruat a ni a, committee member tha tak an nei than hi an lawm hle.



NEUVA

chu Seasonz picnic spot, Sihmuiah hman a ni a. He hunah hian kum 2012 a HSLC leh HSSLC pass tharte lawmpuina thilpek hlan an ni a. Veng players-te certificate hanna hun hman a ni bawk. Member 100 vel he YMA yay function-ah hian an tel a ni.

Ni 13.6.2012 a boral Pu K Sangkhunma chu an ui hle a, khawhar chhungte an tuarpui hle.

